



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

14-03-2026

Broj: 02-11-4-8666-5

Datum: 10-03-2026

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19 i 39/20), člana 70. stav (1) i (3) i člana 72. stav (3) tačka a) Zakona o javnim nabavkama („Službeni glasnik BiH”, broj 39/14, 59/22 i 50/24) i člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23), policijski komesar, d o n o s i:

ODLUKU
o izboru najpovoljnijeg ponuđača
„Sukcesivna nabavka potrošnog fotomaterijala“

I

Na osnovu odluke, broj 02-11-4-8666, od 18.12.2025. godine, obavještenja o nabavci, broj 16475-1-1-2-3-11/26, od 19.01.2026. godine i ispravke za obavještenje o nabavci, broj 16475-1-1-2-8-22/26, od 23.01.2026. godine, proveden je otvoreni postupak „Sukcesivna nabavka potrošnog fotomaterijala“.

II

Prihvata se preporuka Komisija za sukcesivnu nabavku fotomaterijala, imenovana rješenjem, broj 02/5-1-30-1-8534, od 10.12.2025. godine, iz zapisnika o pregledu i ocjeni ponuda, broj 02-11-4-8666-4, od 27.02.2026. godine i 10.03.2026. godine (II dio zapisnika nakon provedene e-aukcije), te se shodno rezultatima vrednovanja i rang listi prihvatljivih ponuda, dodjeljuje okvirni sporazum u trajanju od 24 mjeseca, ponuđaču R&S d.o.o. Sarajevo. Ukupna vrijednost ponude nakon provedene e-aukcije, uz procenat umanjenja cijene od 0,49% iznosi: 136.919,07 KM bez PDV-a, odnosno 160.195,31 KM sa PDV-om.

III

Najpovoljniji ponuđač R&S d.o.o. Sarajevo, dužan je u roku od 7 dana od dana prijema obavještenja o rezultatima postupka dostaviti dokumentaciju u jednom primjerku (originale ili ovjerene kopije od strane nadležnog organa) prema tački 11. Uslovi za kvalifikaciju – lična sposobnost tenderske dokumentacije, broj 02-11-4-8666, od 23.01.2026. godine dok je oslobođen obaveze dostavljanja dokaza prema tački 12. Ekonomsko-finansijska sposobnost, imajući u vidu da je dokaze dostavio uz ponudu.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

IV

Ugovorni organ će nakon prijema dokumentacije u skladu sa tačkom III, pozvati najpovoljnijeg ponuđača R&S d.o.o. Sarajevo, radi zaključivanja okvirnog sporazuma u trajanju od 24 mjeseca od dana obostranog potpisivanja, kojim će se regulisati međusobna prava i obaveze, imajući u vidu odredbe člana 98. stav (1) Zakona.

V

U skladu sa okvirnim sporazumom Ugovorni organ i Dobavljač mogu u toku cijelog perioda trajanja okvirnog sporazuma, zaključivati ugovore o sukcesivnoj nabavci prema potrebama ugovornog organa u skladu sa dostavljenom ponudom ponuđača R&S d.o.o. Sarajevo, s obzirom da ukupna vrijednost pojedinačno zaključenih ugovora ne može biti veća od vrijednosti zaključenog okvirnog sporazuma.

VI

Ova Odluka stupa na snagu danom donošenja.

O b r a z l o ž e n j e

Na osnovu odluke, broj 02-11-4-8666, od 18.12.2025. godine i obavještenja o nabavci, broj 16475-1-1-2-3-11/26, od 19.01.2026. godine i ispravke za obavještenje o nabavci, broj 16475-1-1-2-8-22/26, od 23.01.2026. godine, proveden je otvoreni postupak „Sukcesivna nabavka potrošnog fotomaterijala“. Procijenjena vrijednost nabavke iznosi 137.665,00 KM bez PDV-a.

Prema Zapisniku sa otvaranja ponuda od 17.02.2026. godine, za aktivno učešće u postupku dostavljene su ponude od strane ponuđača Primaprom d.o.o. Banja Luka i R&S d.o.o. Sarajevo.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-11-4-8666-4 od 27.02.2026. godine, u kome je navela da su ponude ponuđača Primaprom d.o.o. Banja Luka i R&S d.o.o. Sarajevo, prihvatljive i ispunjavaju zahtjeve iz tenderske dokumentacije u pogledu formalno-pravne ispravnosti ponuda i zahtijevanih tehničkih podataka, te su stekli pravo na učešće u e-aukciji.

Dana 03.03.2026. godine, u skladu sa odredbama Pravilnika o uslovima i načinu korištenja elektronske aukcije („Službeni glasnik BiH“, broj 80/23), provedena je elektronska aukcija. Nakon provedene e-aukcije a imajući u vidu izvještaj o provedenoj e-aukciji, Komisija je pristupila daljem pregledu i ocjeni ponuda ponuđača: Primaprom d.o.o. Banja Luka i R&S d.o.o. Sarajevo, kako je navedeno u Zapisniku o pregledu i ocjeni ponuda (drugi dio zapisnika nakon provedene e-aukcije), broj 02-11-4-8666-4, od 10.03.2026. godine, sačinjenom nakon provedene e-aukcije.

Shodno prethodno navedenom, u skladu sa utvrđenim kriterijumom najniža cijena komisija je utvrdila da je najpovoljnija ponuda ponuđača R&S d.o.o. Sarajevo i sačinila preporuku da se navedenom ponuđaču dodijeli okvirni sporazum u trajanju od 24 mjeseca.

Cijeneći naprijed navedeno riješeno je kao u dispozitivu.

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

POUKA O PRAVNOM LIJEKU:

Protiv ove odluke dopuštena je žalba koja se podnosi u tri originalna primjerka putem preporučene poštanske pošiljke ili direktnom predajom Ugovornom organu, u roku od 10 (deset) dana od dana prijema obavještenja, a u skladu sa članom. 101. stav (1) tačka 4) i članom 105. stav (1) i (2) Zakona. Dokaz (originalna uplatnica ili drugi originalni dokaz ili ovjerena kopija dokaza od strane nadležnog organa) o plaćenju naknade za pokretanje žalbenog postupka u iznosu propisanom članom 108. Zakona na osnovu kojeg se može nesumnjivo utvrditi da je transakcija izvršena obavezno se dostavlja ugovornom organu u roku za izjavljivanje žalbe.

POLICIJSKI KOMESAR
Generalni inspektor policije

Fatmir Hajdarević

DOSTAVITI:

1. Komisiji
2. Sektoru za materijalno-finansijske poslove
3. Ponuđačima x2
4. Odjeljenju za odnose s javnošću
radi objave na web stranici ugov. organa
5. a/a

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba